

合道預告見紫雲西邁知有道人當度仍  
齋絜燒香想見道真以其年十二月廿五日老  
子度闕也喜見老子迎設禮自稱弟子老子  
曰汝應為此究利天下棄賢世傳弘大道子神  
仙者矣以廿八日日中授太上道德經義洞虛  
无大无不包細无不入焉三不能盡通其義昔  
漢孝皇帝好大道縱容元為之堂嘆凡聖无能  
解此玄奧精思遠感上徹太上道君遣真人下  
授文帝希微之旨道人即信據傳授至人此字  
校定外儒所難傳多誤今當參校此正之使與  
玄洞相應十方諸天人神仙天地鬼神所宗奉文  
同无一異矣吾已於諸天神仙大王校定受傳天  
人至土賢儒當宗極正真弘道大度何可不精  
得聖人本文者乎吾所以有言此欲正玄妙於  
天地人耳今說是矣至明矣夫學仙者必能弘幽曠也  
道士鄭思遠曰余家師葛仙公受太極真人徐  
來勒道德經上下卷仙公曩者所好加觀見真  
人教以口訣云此文道之祖宗也誦詠万遍夷心  
注玄者皆必昇仙尤尊是書日夕朝拜朝拜

願念具如靈寶法矣學仙君子宜私之焉仙公  
常秘此言无應仙之相好者不傳也

太上隱訣

先燒香齋服礼十方三拜心存玄中大法師左  
子河上真人尹先生曰開經蘊呪曰

玄玄至道宗上德體洪元天真雖遠妙近緣  
泥丸居宮室皆七寶窓牖自有八清淨常致真  
駕景乘紫雲日月左右照昇仙長年全七祖  
上生天世為道德門

畢叩齒卅六通明液卅六過光心存左青龍  
右白虎前朱雀後玄武足下八卦神龜此師  
子伏在前頭中七星五藏生五炁羅文霞身  
上三一侍經各從千乘万騎天地各有万八千玉  
女玉童衛之

此訣讀經五百言輒叩齒三咽液三也